



Taberna Dei Preeknota Heilige Gees (Week 1)

Die Persoon van die Heilige Gees Sondag, 19 Mei 2019



“Die eerste verhaal, Theófilus, het ek opgestel oor alles wat Jesus begin doen en leer het tot op die dag dat Hy opgeneem is, nadat Hy aan die apostels wat Hy uitverkies het, deur die Heilige Gees bevele gegee het; aan wie Hy ook, ná sy lyde, Hom lewend vertoon het deur baie kentekens, terwyl Hy gedurende veertig dae aan hulle verskyn het en oor die dinge van die koninkryk van God gespreek het. En toe Hy nog met hulle saam was, het Hy hulle bevel gegee om nie van Jerusalem weg te gaan nie, maar om te wag op die belofte van die Vader, wat julle, het Hy gesê, van My gehoor het. Want Johannes het wel met water gedoop, maar julle sal met die Heilige Gees gedoop word nie lank ná hierdie dae nie.” - **Hand 1:1-5 (AFR53)**

1. Toe Jesus oor die Heilige Gees praat toe **snap** _____ sy volgelinge nie.

“Die wat bymekaargekom het, vra Hom toe en sê: Here, gaan U in hierdie tyd die koninkryk vir Israel weer oprig? En Hy antwoord hulle: Dit kom julle nie toe om die tye of geleenthede te weet wat die Vader deur sy eie mag bepaal het nie; maar julle sal krag ontvang wanneer die Heilige Gees oor julle kom, en julle sal my getuies wees in Jerusalem sowel as in die hele Judéa en Samaría en tot aan die uiterste van die aarde.” - **Hand 1:6-8 (AFR53)**

2. Die **Persoon** _____ en **die werk** _____ van die Heilige Gees is vandag nog die “ **most misunderstood** _____ ” van die Drie-enige God.

- Die Heilige Gees **vereer** _____ altyd Jesus.
- Die Heilige Gees gee ons **krag** _____ om te getuig.
- Die Heilige Gees **transformeer mense** _____.
- Die Heilige Gees **bewerk wonderwerke** _____.
- Die Heilige Gees **versorg** _____ die kerk deur **geestes gawes** _____.

3. Die Heilige Gees het dieselfde eienskappe as ‘n **lewende wese** _____ (a living being).

- Hy het **‘n intellek** _____.
- Hy het **emosies** _____.
- Hy het **‘n wil** _____.

4. Jesus praat van die Heilige Gees as ‘n **Persoon** _____ en nie as ‘n **Krag** _____ nie.

“Maar wanneer Hy gekom het, die Gees van die waarheid, sal Hy julle in die hele waarheid lei; want Hy sal nie uit Homself spreek nie, maar alles wat Hy hoor, sal Hy spreek en die toekomstige dinge aan julle verkondig.” - **Joh 16:13 (AFR53)**

“Die genade van die Here Jesus Christus en die liefde van God en die gemeenskap van die Heilige Gees sy met julle almal! Amen.” - **2 Kor 13:13 (AFR53)**

4.1 Wat is die verskil tussen die Heilige Gees as ‘n Persoon en die Heilige Gees as ‘n Krag?

- As die Heilige Gees ‘n Krag is, wil ek Hom **manipuleer** _____, maar as ek weet die Heilige Gees is ‘n Persoon wil ek myself **oorgee aan Hom** _____ om my **te gebruik** _____.
- As die Heilige Gees ‘n Krag is dan word ek **verwaand** _____ as Hy my **gebruik** _____, maar as ek weet die Heilige Gees is ‘n Persoon dan leef ek in **nederige afhanklikheid** _____ aan Hom en dank Hom omdat Hy in my **kom woon het** _____.
- As die Heilige Gees ‘n Krag is, dan wil ek van **die krag besit** _____ neem (I want to get hold of Him), maar as ek weet die Heilige Gees is ‘n Persoon, dan wil ek hê Hy moet **van my besit** _____ neem (I want Him to get hold of me).

4.2 Hoe kry die Heilige Gees besit van my?

- By **wedergeboorte** _____ (Joh 3:4)
- By die **doop in water** _____ (Mat 28:19)
- en wanneer **Jesus ons doop** _____ met **sy Gees** _____ en met vuur. (Mat 3:11)